



2465

2200

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27/01-05-23146-78/19  
Sarajevo, 10.09.2019.godine

**SKUPŠTINA KANTONA SARAJEVO**  
N/r Predsjedavajući Skupštine **Elmedin Konaković**  
- OVDJE -

**Predmet:** Odgovor na zastupničku inicijativu – dostavlja se

Veza vaš akt broj: 01-05-23146-78 od 24.06.2019. godine.

**Zastupnica Bilsena Šahman** na Devetoj radnoj sjednici Skupštine Kantona Sarajevo održanoj dana 19.06.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo, pokrenula je **zastupničku inicijativu** prema Vladi Kantona, prema resornim ministarstvima i prema KJKP "Rad" d.o.o. Sarajevo, a koja glasi:

*"Realizovanje aktivnosti selekcije otpada, uz prethodno utvrđivanje lokacija za postavljanje kontejnera za primarnu selekciju otpada, pribavljanje urbanističkih saglasnosti za lokacije, izgradnja zelenih otoka za primarnu selekciju otpada i podjela kanti domaćinstvima, provođenje javne kampanje i edukacije stanovništva o korištenju kontejnera i kanti u svrhu selektiranja komunalnog otpada.  
Potrebno je odrediti dane kada će se odlagati pojedine vrste otpada."*

**ODGOVOR:**

Shodno Vašoj pokrenutoj inicijativi u prilogu akta dostavljamo Vam kompletan odgovor, koji nam je dostavljen od strane KJKP "RAD" d.o.o. Sarajevo.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177

Sarajevo, Reisa Džemaludina Čauševića 1



**Prilog:**

- Odgovor na zastupničku inicijativu KJKP "RAD" d.o.o. Sarajevo, broj: 02-07-01-14156/19 od 02.08.2019. godine.



**MINISTAR**

**mr.sc. Srdan Mandić**

**Dostavljeno:**

1. Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177

Sarajevo, Reisa Džemaludina Čauševića 1





# Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: 658-038, 616-101, 641-051, 710-270, 611-766; Fax: 656-812, 654-480, 643-966

E-mail: jkpradsa@bih.net.ba; web: www.rad.com.ba; EKO telefon: 660-000

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11  
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

832


1918

Naš broj: 02-07-01

14156/19.

Sarajevo, 02. 08. 2019. godine

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**



**Ministarstvo komunalne privrede i infrastrukture  
Ul. Reisa Džemaludina Čauševića 1.**

**Predmet: Odgovor na zastupničko pitanje Bilsene Šahman**

Poštovani!

Na osnovu zahtjeva koji ste nam uputili u dopisu broj: 27/01-05-23146-78/19 od 23.07.2019. godine, a koji se tiče zastupničke inicijative Zastupnice Bilsene Šahman o realizovanim aktivnostima selektivnog odlaganja otpada u Kantonu Sarajevo, dostavljamo vam sljedeći odgovor:

- KJKP „RAD“ d.o.o. Sarajevo u sklopu svojih djelatnosti obavlja i aktivnosti selektivnog prikupljanja otpada na području Kantona Sarajevo. Kroz različite projekte o reciklaži i selektivnom odlaganju otpada, u saradnji sa nadležnim ministarstvima, općinama KS, stranim i međunarodnim organizacijama i operaterima za zbrinjavanje otpada, realizuje se nabavka i postavljanje namjenskih posuda za selekciju otpada, kao i specijaliziranih vozila za prikupljanje reciklažnih sirovina.

Uvođenje odvojenog prikupljanja otpada u Kantonu Sarajevo, KJKP „RAD“ d.o.o. Sarajevo je započelo 2004. godine podijelom reciklažnih kontejnera za 28 osnovnih škola, uz obavljanje edukacije nastavnika i učenika. Tokom 2005. godine, nastavljene su aktivnosti postavljanjem reciklažnih kontejnera i uređenjem zelenih otoka na lokacijama Olimpijsko naselje i Saraj polje (općina Novi Grad). U 2007. godini donacijom Evropske Unije kroz projekat „CARDS“, na lokalitetu tadašnje deponije Smiljevići izgrađena je Sortirnica otpada i postavljeno novih 300 kontejnera za odvojeno prikupljanje otpada.

Svojim kapacitetom, sortirnica može prihvatiti sve količine sortiranog otpada sa područja KS, te se u narednim godinama nastojalo, kroz različite projekte proširiti infrastruktura za odvojeno prikupljanje otpada.

Međutim, u periodu od 2007. sve do 2013. godine nije bilo izdvojenih sredstava za dalje ulaganje u projekte reciklaže. Nakon ovog perioda zastoja, tek 2013. godine KJKP „RAD“ d.o.o. Sarajevo je u saradnji sa Švedskom razvojnom agencijom – SIDA, pokrenuo nove aktivnosti odvojenog



prikupljanja otpada kada je nabavljeno 140 reciklažnih kontejnera i namjensko vozilo za prikupljanje otpada. Kontejneri su iskorišteni za proširenje infrastrukture i formiranje novih zelenih otoka u KS.

U 2016. godini započeta je realizacija Pilot projekta "Razvoj sistema primarne selekcije ambalažnog otpada iz komunalnog čvrstog otpada u Kantonu Sarajevo" - realizovan između KJKP "RAD" d.o.o. Sarajevo, Ekopak – Društvo za postupanje sa ambalažnim otpadom d.o.o. Sarajevo i Ministarstva komunalne privrede i infrastrukture Kantona Sarajevo.

Projektom je izvršeno uređenje 5 podzemnih eko-otoka i nabavka specijalnog vozila za prikupljanje reciklažnog otpada.

2017. godine počinje realizacija projekta „Uvođenje odvojenog prikupljanja otpada u individualnim stambenim objektima u Kantonu Sarajevo“ između KJKP „RAD“ d.o.o. Sarajevo i Ministarstva prostornog uređenja, građenja i zaštite okoliša Kantona Sarajevo kroz podjelu kanti (120 i 240 l) za dvolinijski sistem prikupljanja otpada, nabavku i podjelu reciklažnih kontejnera i specijalnih vozila za prikupljanje otpada. Do sada su sprovedene tri faze projekta, a krajem 2019. godine planira se otpočeti i sa implementacijom IV faze.

Obzirom da je projekat naišao na pozitivan odziv građana, odlučeno je da se nastavi njegova realizacija i u budućnosti, kako bi se najveći dio Kantona Sarajevo obuhvatio odvojenim prikupljanjem otpada.

Općine Stari Grad, Novo Sarajevo i Novi Grad su u periodu od 2017. do 2019. godine započele realizaciju uređenja novih *eko-otoka u Kantonu Sarajevo*. Općine su samostalno izvršile nabavku i postavljanje podzemnih kontejnera i reciklažnih zvana za selekciju otpada. Ovi projekti realizuju se u saradnji sa KJKP „RAD“ d.o.o. Sarajevo koji vrši prikupljanje selektiranog otpada sa otoka i transportuje isti do RCUO „Smiljevići“ u Sortirnicu otpada na dalju obradu.

Trenutno je u toku „*Projekat prekogranične saradnje IPA BiH – SRBIJA*“, koji KJKP „RAD“ d.o.o. Sarajevo realizuje u saradnji sa komunalnim preduzećem iz Valjeva (Srbija). Za ovaj projekat su odobrena sredstva i nalazi se u početnoj fazi realizacije. Projektom je predviđena nabavka i uređenje 5 eko-otoka u vidu zvonastih kontejnera, specijalnog vozila za pražnjenje namjenskih posuda sa eko-otoka i provođenje medijske kampanje za jačanje javne svijesti o reciklaži i zaštiti okoliša.

2018. godine su izrađeni *Općinski elaborati o lokacijama reciklažnih dvorišta, niša i zelenih otoka za područje devet općina Kantona Sarajevo* kao svojevrsan vodič za planiranje i realizaciju svih ovih projekata sa lociranjem u prostorno-planskoj dokumentaciji i investicijskim planom. Izrada ovih elaborata je urađena od strane Zavoda za planiranje KS i isti se zasnivaju na Odluci o donošenju plana upravljanja otpadom Kantona Sarajevo za period 2015.-2020.godina („Službene novine KS“, broj 29/15). Cilj i zadatak elaborata je da na osnovu analize postojećeg stanja infrastrukture za prikupljanje otpada i prostornih mogućnosti ponudi moguće lokacije za novu infrastrukturu: zelene otoke, niše i reciklažna dvorišta.

Do sada je realizacijom više različitih projekata o reciklaži i selektivnom odlaganju otpada, u Kantonu Sarajevo, postavljeno cca 700 reciklažnih kontejnera (1,1 m<sup>3</sup>), 54 zvonastih kontejnera i 35 podzemnih kontejnera u naseljima kolektivnog stanovanja, te cca 8.000 kanti za dvolinijski sistem u individualnim stambenim objektima.

Što se tiče termina, odnosno dana u kojima se vrši odvoz razdvojenog otpada, svim domaćinstvima koja su do sada obuhvaćena dvolinijskim sistemom prikupljanja otpada, **prilikom podjele kanti je uručen Kalendar odvoza otpada sa jasnim uputama kojim danima se vrši odvoz crne kante (miješani komunalni otpad), a kojim danima žute kante (sav reciklažni otpad).**

Najčešći problemi sa kojima se susrećemo i koji ometaju razvoj ovog sistema su sljedeći:

- Veliki broj fizičkih lica iz neformalnog sektora (sakupljači) vrše neovlašteno prebiranje po zelenim otocima i izdvajanje sirovina, ostavljajući iza sebe razbacani otpad i stvarajući ružnu sliku lokaliteta;
- Nedovoljna infrastruktura za odvojeno prikupljanje otpada u Kantonu Sarajevo;
- Izuzetno nizak nivo javne svijesti o značaju razdvajanja otpada
- Nepostojanje adekvatnih mjera za sankcionisanje nepravilnog postupanja sa otpadom
- itd.

Kako bi se postojeće stanje koje se odnosi na razdvajanje i pravilno odlaganje otpada u Kantonu Sarajevo podiglo na veći nivo, potrebno je uspostaviti adekvatan sistem upravljanja otpadom u koji se moraju aktivno uključiti svi odgovorni akteri, a to su Vlast, nadležna ministarstva, operateri za upravljanje otpadom, operatori sistema i građani.

Na taj način će se omogućiti jedan integrisan i unaprijeđen sistem upravljanja otpadom koji će rezultirati višestrukim benefitima i zaštitom okoliša u cjelini.

S poštovanjem,

DOSTAVITI:

1. Naslovu
2. a/a



v.d. DIREKTORICA

Vera Arnautović